

ցոյց տալը: Աղջիկները միայն ազատ են փախաթներէն և մինչև ամուսնութիւնը բացերես են ման գալիս:

**Կօճիկ:** Ընդհանրապէս ամառ ժամանակ թէ կին, թէ աղջիկ ստաբոբիկ են շրջում. իսկ ձմեռը հազնում են սև և կարմիր ոտնամաններ, որի ծայրերը սրածայր են և կեռ: Գատեղական բարբառով «մաշիկ» է կոչուում, որ գնում են գիւղում աշխատող մաշկակարներից: Թէ կնոջ, թէ հարսի և թէ աղջկայ կոշիկները նոյնն են:

Հարսները գլուխներին կապում են «թախտած». վզից կախում «աշմ»: Աղջիկները հագնում են կանանց պէս, միայն այն զանազանութեամբ, որ նրանք փախաթանք չունեն գլխներին, այլ գնում են ասեղնագործած գլխարկներ, որոնց տակից ընկնում, ծածանում են ծամերը: Գլուխները սանրում են, մէջտեղը մի գիծ (արտակ) թողնում և ծամերը ձգում ցած, որի ծայրերին կապում են մի քանի գունաւոր ուլուկներ: Փոքր աղջիկները վզից կախում են զանազան ուլուկներ:

**Բաղանիս:** Փէրիայի հայաբնակ ոչ մի գիւղում չկայ բազանիս, բացի Նամակերտից, այն էլ ամեն օր բաց չէ, այլ ամիսը կամ շաբաթը մի անգամ: Ընդհանրապէս թէ տղամարդիկ և թէ կանայք լողանում են տանը (գոմում), երբ կամենում են, իսկ փոքր ինչ հարսուտները 3—4 ամիսը մի անգամ կամ աւելի ուշ գնում են բազանիս:

### ՆԱԽԱՊԱՇԱՐՈՒՄՆԵՐ ԵՒ ՍՆՈՏԻԱՊԱՇՏՈՒԹԻՒՆՆԵՐ

Յուրի ձայնը չարագուշակ նշան են համարում. և թէ բուն բուն է մի տան վրայ, հաւատում են, որ տան անգամներից մինը կմեռնի: Գիշերը գլխաբաց դուրս չեն գալիս, որպէսզի սառածանները չխփեն: Գիշերը պարսկի գերեզմանի մօտ չեն գնում, որովհետև մեռելների ուրաւկանները նրանց կհալածեն իբրև «անհաւատներին»:

Գիշերը վախենում են ջրհորի մօտ գնալ, որովհետև միջի գիւղը դուրս կգան և կըռնեն:

Գիւղացին տնից դուրս գալիս՝ եթէ ձայն տառեռից, յետ է դառնում և այլևս չի գնում, դուշակելով՝ որ այդ օրւայ գործը չպիտի